

**LUTRIJA BOSNE I HERCEGOVINE d.o.o.**  
**UPRAVNI ODBOR**

Na osnovu člana 16. Zakona o igrama na sreću („Službene novine FBiH“, br.1/02. i 40/10.) i člana 13. Statuta Lutrije Bosne i Hercegovine d.o.o. Sarajevo (“Službene novine FBiH”, br.43/03.), Upravni odbor Lutrije Bosne i Hercegovine, na sjednici održanoj dana 19.03.2015. godine, donio je

**P R A V I L A**  
**novčane srećke “Zlatna ribica”**

**1. OPŠTE ODREDBE**

**Član 1.**

Ovim se Pravilima propisuju uslovi za priređivanje novčane srećke “Zlatna ribica” (u daljem tekstu: srećka).

**Član 2.**

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke “Zlatna ribica”.

Ugovor iz stava 1. ovog člana zaključuje se između Lutrije Bosne i Hercegovine d.o.o. (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

**2. NAZIV I VRIJEME TRAJANJA IGRE**

**Član 3.**

Novčana srećka „Zlatna ribica“ je igra na sreću sa unaprijed utvrđenom visinom fonda dobitaka, u kojoj učesnik skidanjem emulzije sa određenih polja saznaje rezultat igre koji je otisnut u prostoru za označavanje dobitka.

**Član 4.**

Rok prodaje srećke otisnut je na srećki.

Rok prodaje srećke može se produžiti odlukom generalnog direktora Priređivača.

Odluku o puštanju u prodaju svake od serija donosi generalni direktor Priređivača i ista će se objaviti u jednoj od dnevnih novina.

### **3. USLOVI ZA UČEŠĆE U IGRI**

#### **Član 5.**

Učesnikom u igri smatra se osoba koja je s Priređivačem zaključila ugovor iz člana 2. ovih Pravila, uz dokaz da posjeduje srećku (u svemu u skladu sa članom 10. ovih Pravila). Srećka glasi na donosioca.

### **4. PODRUČJE PRIREĐIVANJA U IGRE**

#### **Član 6.**

Srećka se priređuje na području Federacije Bosne i Hercegovine i Distrikta Brčko.

### **5. POJEDINAČNA CIJENA SREĆKE**

#### **Član 7.**

Cijena jedne srećke je 1,00 KM.

### **6. KOLIČINA I NOVČANA VRIJEDNOST EMISIJE SREĆKE**

#### **Član 8.**

Srećka se emituje u serijama. Jedna serija sadrži 500.000 (petsto hiljada) komada srećki.

Novčana vrijednost emisije srećaka iznosi 500.000,00 KM (petsto hiljada konvertibilnih maraka).

Odluku o broju serija donosi generalni direktor Priređivača.

### **7. VISINA FONDA I VRSTE DOBITAKA**

#### **Član 9.**

Fond dobitaka iznosi 65% od emisione vrijednosti, ili 325.000,00 KM, a iznos se dijeli na 177.764 novčanih dobitaka.

Fond dobitaka serije se raspoređuje po sljedećem planu:

## PLAN DOBITAKA OSNOVNE IGRE:

Komada			Dobici		Iznos	
4	kom.	x	5.000	KM =	20.000	KM
20	kom.	x	1.000	KM =	20.000	KM
40	kom.	x	500	KM =	20.000	KM
200	kom.	x	100	KM =	20.000	KM
2.500	kom.	x	10	KM =	25.000	KM
5.000	kom.	x	5	KM =	25.000	KM
25.000	kom.	x	2	KM =	50.000	KM
145.000	kom.	x	1	KM =	145.000	KM
<b>177.764</b>			<b>325.000</b>		<b>KM</b>	

## 8. OPIS SREĆKE

### Član 10.

Srećka je pravougaonog oblika, a štampana je u pet varijacija.

Prednja strana srećke sadrži:

- Naziv srećke „ZLATNA RIBICA“;
- Slika koja predstavlja Zlatnu ribicu u 5 različitih motiva;
- Logo Lutrije Bosne i Hercegovine;
- Logo „pola sreće drugima“;
- Cijena srećke;
- četiri (4) polja prekrivena emulzijom ispod kojih su otisnuti novčani iznosi;
- Polje sa uplatnom šifrom u brojčanoj i bar kod formi;
- Polje prekriveno emulzijom sa natpisom „ne skidaj“.

Poledina srećke sadrži:

- Logo Lutrije Bosne i Hercegovine;
- Logo „Srećke na dohvata ruke“;
- Logo WLA - Certified Security Control Standard;
- Logo ISO 27001 - TUV NORD;
- NOVČANI DOBITAK: Ukoliko se nakon skidanja emulzije pojave tri ista iznosa, ostvaruje se novčani dobitak;
- SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“;
- EMISIJA 500.000 SREĆAKA;
- EMISIONA VRIJEDNOST 500.000,00 KM.

- FOND DOBITAKA iznosi 65% od emisije vrijednosti ili 325.000 KM;
- PLAN DOBITAKA ( u skladu sa članom 9. Pravila )
- PRIREĐIVAČ: Lutrija BiH d.o.o, Ul. Mehmeda Spahe 11., 71000 Sarajevo.
- Datum prodaje je otisnut na srećki.
- Podaci o dobitniku, za oporezive dobitke: Ime i prezime, adresa, JMB.

## 9. UTVRĐIVANJE DOBITAKA

### Član 11.

Igrač utvrđuje dobitak skidanjem emulzije sa četiri polja. Ukoliko se otkriju tri ista iznosa, ostvaruje se novčani dobitak u jednostrukom iznosu.

Igrač u igri nije dužan uzeti srećku na kojoj su vidljivi znaci oštećenja.

## 10. NAČIN I ROK ISPLATE NOVČANIH DOBITAKA

### Član 12.

Pri isplati dobitaka učesnik je dužan predati Priređivaču dobitnu srećku.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

### Član 13.

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

### Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

### Član 15.

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

## Član 16.

Ispod emulzije na kojoj je napisano "NE SKIDAJ" se nalazi šifra. Priređivač čuva tajnost šifre.

## 11. NAČIN UPOZNAVANJA UČESNIKA U IGRI S OVIM PRAVILIMA

### Član 17.

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje s ovim Pravilima, odnosno dati ih na uvid.

## 12. PRELAZNE I ZAVRŠNE ODREDBE

### Član 18.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

### Član 19.

Ova Pravila stupaju na snagu danom donošenja, a primjenjivaće se puštanjem u prodaju 1. serije srećke i ista će se objaviti u jednoj od dnevnih novina.

### Član 20.

Stupanjem na snagu ovih pravila prestaju da važe Pravila novčane srećke "Zlatna ribica" br.01-32-MS-1238-2/13 od 17.06.2014.

Broj:01-43-477-3 /15  
Dana:19.03.2015

**P R E D S J E D N I C A**  
Ivana Bunoza, s.r.

